

宋文鑑

表 六十四卷

漢書門類			
三	八	三	二
一	二	七	二
一	四	八	冊

漢書門類			
三	八	三	二
一	二	七	二
一	四	八	冊

內閣文庫			
番號	漢	3832	
冊數	48 (23)		
函號	262	43	

廿三

0 1 2 3 4 5 6 7 8 9 cm

Kodak Gray Scale



A 1 2 3 4 5 6 M 8 9 10 11 12 13 14 15 B 17 18 19

G Y M

© Kodak, 2007 TM: Kodak







宋文鑑卷第六十四  
表

辭起復表

謝知制誥表

賀平貝州表

謝復龍圖閣直學士表

南京留守謝上表

謝覃恩轉官表

謝宣召入翰林狀

乞罷政事表

亳州謝上表

乞致仕表

謝賜漢書表

淺草文庫

富

歐陽

歐陽

歐陽

歐陽

歐陽

歐陽

歐陽

歐陽

歐陽

歐陽

弼

脩

脩

脩

脩

脩

脩

脩

脩

脩

脩



謝止散青苗錢放罪表

乞致仕第二表

乞致仕第三表

進修唐書表

賀南郊大赦表

賀生皇子表

代人乞出表

辭起復表

喪次銜哀甫終卒哭使華僅  
深暑裂雖屢傾於舟懇尚未  
難動不避褻頌之咎更陳隋  
請伏念臣早罹家難偏奉母  
祿未幾遽纏風樹之悲報德

命繼至數廬心積驚憂情  
錫於俞音天遠莫量物微  
絕之詞必異神聰俯從哀  
慈猥以眷愚最鍾愛育享  
永違徒懷霜露之感寢苦

歐陽脩

歐陽脩

歐陽脩

歐陽脩

宋祁

宋祁

宋祁

富弼

枕塊而適抱至痛食稻衣錦則若為自安實非人情沈寤  
邦制况今中外無事左右得賢共輔聖明之期安有際  
曠之務曲蒙下詔更起孤臣在陛下馭國之方蓋欲  
不遺於舊物於朝廷教化之道必恐有誤於蒼生何須  
誓故事以遂前世之非正可存禮經以圖今日之善行  
之即是義不為難豈惟於陛下有復古之風抑亦俾  
愚臣得事親之道一為匪戾兩得其宜兼臣悲傷之餘  
衰病交至精力已耗神觀未還假使充負豈堪應務苟  
令終畢於祥禕幾稍復於幹魂得此從容可備駟策  
伏望尊號皇帝陛下日月臨照天地包容盡母氏平  
生之恩憐人丁罔極之苦曲矜未志得滿鉅憂生意凋  
零或尚未捐於溝壑清光咫尺終期伏望於雲天悲感  
增添懇願兼劄



謝知制誥表

歐陽脩

伏以王者尊居萬民之上而誠意能與下通奄有四海之大而惠澤何以徧及者得非號令誥詔發揮而已哉然其為言也所貴而不文則不足以行遠而昭聖謀禮而不典則不足以示後而為世法居是職者古難其人乃以愚臣而當此選伏惟 尊號皇帝陛下茂仁聖之姿荷 祖宗之業示日謹一日曾未少懈而自羗戎賁固邊鄙用師勤儉亦先於聖躬焦勞常見於王色雖有憂民之志而億姓未蘇雖有欲治之心而羣臣未副故每進一善則未嘗不欲勸天下之能每官一賢則未始不欲盡人材之用雖以爵祿而砥礪尚須訓誡之丁寧尤假能言以論至意可稱是者不又大作用歟伏念臣雖以儒術進身本無辭藝可取徒值嚮者時文之弊偶能獨

守好古之勤志欲去於雕飾于文反成於樸鄙本懼不適當世之用敢期自結聖主少知陛下獎之特深用之太過此臣所以懇讓三四五於辭窮而天意不回寵命難止尚慮頑然之未諭更加使者以臨門恩出非常理難屢瀆及俯而受命伏讀訓詞辭則有必能復古之言然後益知所責之重夙夜惶惑未知所措伏况文字之職則于侍從之班在於周行是為超擢不徒揮翰以為効自當死節以報恩惟所使之期於盡瘁

賀平貝州表

歐陽脩

盜孽竊興神機共忿果獲震蕩等悉殄兇徒伏惟 尊號皇帝陛下推仁育物浸澤在人常服儉以躬行惟足兵而在念至於多捐金幣講好戎夷務休戰爭蓋惜士卒德至深而莫報恩既厚則生驕敢肆妖狂自干斧鉞脅



駮士衆閉守城闕既違天而逆人宜不攻而自破而况  
聖神運略將相協忠不遺一人咸即大戮恃慢者警而  
肅恪昏愚者知有誅夷銷沮姦萌震揚威令臣幸忝郡  
寄折聞德音

謝復龍圖閣直學士表

歐陽 脩

恩還舊職事雪前誣感極心驚涕隨言出臣伏見前世  
材賢之士身結主知勲德之臣功施王室然尚或一遭  
謗毀欲辨無由少忤要權其禍不測顧如臣者何足道  
哉臣材不迫於中人功無益於當世用之未見有效去  
之無足可思矧罔極之讒交興而並進易危之迹何恃  
而不顧而聖心不忘恩意特至辨罔欺於藹昧沮仇嫉  
於衆多雖暫居譴謫之中而夔被陞遷之渥今又特蒙  
甄錄牽復寵名以目之愚豈比前人而獨異推其所幸

蓋由聖主之親廷謂宜如何可以論報再念臣稟生孤  
拙本乏藝能徒以學古之勤粗識事君之節若臨危効  
命尚當不顧以備身况為善無傷何憚竭忠而報國誓  
期盡瘁少答高明

南京留司謝上表

王

歐陽 脩

守宮鑰之謹嚴取志夙夜布政條之纖悉上副憂勤寄  
任非堪兢營並累伏念臣賦才庸薄稟數奇屯毀譽交  
興兩嘗過實寵榮踰分動輒招尤念報效之未伸敢不  
竭忠而盡瘁因風波之可畏則思遠去以深藏迨此六  
年外更三守學偷安而杜口負素志以媿心朽質易衰  
已凋零於齒髮良時難得尚希慕於功名豈謂皇慈未  
捐舊物擢從支邵委以名都惟此別京舊當孔道簿領  
少勤於職事傳取悅於路入苟循俗吏之所為雖能



免過非有古人之大節未足報君

謝覃恩轉官表

歐陽脩

天地號令風雷鼓行一氣所均萬物咸被遂容僥倖亦與褒升伏念臣材不逮人識非慮遠徒有事君之節未知報國之方冒寵貪榮已踰其量見利臨得曾不知慙此者伏遇 尊號皇帝陛下堯舜聰明禹湯勤儉脩前王之曠典述先志以繼成昭致精禋躬臨路寢膺受上天之多福推與萬方而不私臣於此時限以官守講儀制禮不與議郎博士之流助祭陪祠不在諸侯方物之列既乏一言之獻又無執事之勞徒隨羣闈共享餘賜普天率土難異衆以獨辭踴高但撫躬而無措

謝宣及入翰林狀

歐陽脩

使車入里君命丁在門間巷驚傳豈識朝廷之故事縉紳

竦歎以為儒者之至榮在臣之愚何以堪此竊以文章之任自古非輕待遇寵榮至有私人之目詢謀獻納因加內相之名恩既異於常倫人愈難於稱職伏念臣器非宏遠識匪該明學不通古今之宜林不適方圓之用久叨塵於侍從曾莫著於勞能而自出守外藩近遭家禍苟存餘喘復齒周行風波流落者十年天日再瞻於雙闕進對之際已蕭颯於霜毛慰勞有加賜閱隣於玉色形神若此志意可知身已分於早衰心敢萌於希進加以羈危之迹仇嫉交攻進退動繫於羣言論議多煩於睿聽雖覆載之造每賜保全而孤蹇偷安常思引去敢謂伏蒙 尊號皇帝陛下俯憐舊物曲軫宸慈因內署之闕負禪備官而承乏之臣敢不勉尋舊學益勸前脩感遺簪未奔之仁竭駑馬已疲之力庶伸薄効少答鴻恩



乞罷政事表

歐陽 脩

臣聞士之行已所重者始終不渝臣之事君所難者  
進退而台理苟無大過善退其身昔之為臣全此者少  
臣頃侍 先帝屢陳斯言今之懇誠蓋迫於此伏念臣  
識不足以通今古材不足以語經綸幸逢盛際之休明  
早自諸生而拔擢方其與儒學文章之選居言語侍從  
之流每蒙過獎於羣公常媿虛名之浮實暨晚叨於重  
任益可謂於得時何嘗敢傷一士之賢豈不樂得天下  
之譽而動皆臣忌毀必臣歸人之愛憎不應遽異臣之  
本末亦豈煩殊蓋以處非所宜用過其量惟是要權之  
地不勝拍目之多周防所以履危而簡疎自任委曲所  
以從衆而拙直難移且其舉足則蹈禍之機以身為歛  
怨之府復盤桓而不去遂謗議以交與讒說震驚輿情

共憤皇明洞照聖斷不疑孤臣獲雪於至寃四海共  
於新政至於賴天地保全之力脫風波險陷之危使臣  
散髮林丘幅巾衡巷以此沒地猶為幸民况乎擁蓋垂  
簪其榮可喜撫民求瘼所寄非輕苟可效於勤勞亦寧  
分於內外伏望 皇帝陛下曲回天造俯察愚衷許解  
劇繁處之閑僻物還其分庶獲遂於安全心非無知豈  
敢忘於報効

亳州謝上表

歐陽 脩

貳政非才雖獲奉身而退分符善地猶懷竊祿之慚祗  
荷寵靈惟知戰懼伏念臣章句腐儒之學也豈足經邦  
斗筭小器之量也寧堪大用而叨塵二府首尾八年荷  
三朝之誤知罄一心而盡瘁若乃樞機宜慎而見事輒  
言惰穽當前而橫身不避竊尋前載未有能全一跡怨



出仇家構為死禍造謗于下者初若含沙之射影但期  
陰以中人宣言于廷者遂肆鳴梟之惡音孰不聞而掩  
耳賴聖神之在上○日月之至明悉究罔誣遂投讒賊  
再念臣性實甚愚而踈於接物事多輕信者蓋以至誠  
如彼匪人失於泛愛平居握手惟期道義之交延齋當  
朝常丐齒牙之論而未乾薦繻之墨已彎射羿之弓知  
士其難世必以臣為戒常情共惡人將不食其餘而臣  
與遊既昧於擇賢在滿不思於將覆自貽禍釁幾至顛  
躋上頌睿聖之保全得完名節於終始泊懇辭於重任  
尤深惻於皇慈雖避寵辭隆僅能去位而清資顯秩愈  
更叨榮莫逃僥倖之譏實負心願之覲斯蓋伏遇  
皇帝陛下乾坤大度拜舜至仁察百自取於怨仇本由  
孤直憫臣力難於勉○理蓋迫衰殘既獲免於非辜仍曲

從於私欲遂同萬物俾無失所之嗟未盡餘生敢忘必  
報之効

乞致仕表

歐陽脩

臣近貢封章乞還官政伏奉詔答未賜允俞退自省循  
奚勝殞越且聞神功不宰而萬物得以曲成者惟各從  
其欲天豎孔昭而一言可以感動者在能致其誠敢傾  
虔至之心再黷高明之聽伏念臣本以一介之賤叨聖  
二府之聰知直道以事君每師心而自信然而既之捐  
軀之効又無先覺之明用之已過其分而曾不自量毀  
者不堪其辱而莫知引去幸賴乾坤之再造得逃陷穽  
之危機仍許避於要權俾退安於晚節今乃苦於衰病  
莫自支持顧難言於寵榮始欲收於骸骨敢期聖念過  
軫天慈謂雖迫於桑榆未及弄於草莽竊以古今之制



沿襲不同蓋由兩漢而來雖處三公之貴每上還於印綬多自駕於車轅朝去朝往暮歸田里一辭高爵遂列編民豈如至治之朝深篤愛賢之意每示隆恩之典以勸知止之人故雖有還政之名而仍享終身之祿固已不類昔時之士無殊居位之榮然則在臣素心雖竊退休之志迹臣所乞尚虞僥倖之譏伏望 皇帝陛下擿以深仁矜其至懇俾解方州之任遂歸環堵之居固將優游垂盡之年涵泳太平之樂惟辛勤白首迄無一善之稱孤負明時莫報 三朝之德此為慙恨何可勝陳

謝賜漢書表

歐陽 脩

俯躬承命拭目生輝竊以古文興化乃致治之所先著錄藏書須太平而大備惟漢室上繼三代之統而車史自成一家之書或舛訛蓋其傳之已久詔加刊定俾

以學之無疑一新方冊之文增煥秘書之府而奏篇之始方經衡石之程賜本之榮惟及鈞樞之近敢期孤外特與恩頌此蓋伏遇 皇帝陛下曲鈇睿慈俯矜舊物謂其嘗與巨隣之列不忍遽遺隣其自喜文字之間俾之娛老然臣兩目昏耗雖嗟執卷之已艱十襲珍藏但誓傳家而永寶

謝止散青苗錢放罪表

歐陽 脩

有罪必誅是為彝典原情以愆特出深仁聞命驚漸首躬涕泗伏念臣以一介之微賤荷 三聖之獎知寵祿既豐初無報効筋骸已備尚此遲徊曲蒙大度之并容誤委一方之寄任職當撫俗責在分憂方茲肝旻之勞心豈敢因循而避事昨遇國家新建官司而主計大商財利以均通分命出使之南交馳於郡縣悉發舊藏之



雖取息於農氓而臣方久苦於昏衰杓莫詳其利害既  
已大誼於物議始知不便於人情亦嘗略陳衆弊之二  
異補萬分之一屬再當於班給顧已逼於會期雖具奏  
陳乃先擅止據茲專輒合社譴呵豈謂伏蒙 皇帝陛下  
下深軫睿慈俯矜朴拙免從吏議特貸刑章夫何草芥  
之微曲被乾坤之施臣敢不益思祗畏更勵操修戒小  
人之遂非希君子之改過冀圖薄効少答鴻私

乞致仕第二表

歐陽 脩

睿訓丁寧曲加慰諭愚衷銀道尚敢黷煩將再干於是  
旒宜先伏於砧鎖伏念臣世惟寒陋少苦奇屯識不達  
於古今學僅知於章句名逸行於實用之始見於無能器  
小易盈過則不勝於幾覆篋以早際千齡之身命豈  
三聖之獎知寵榮既溢其涯真愛患亦隨而至稟性素

顧身未老而先衰大道其夷嗟力不前而難彊每念恩  
私之莫報兼之疾病以交攻爰於守毫之初遂決窳漳  
之計逮此三遷於歲律又更兩易於州符而犬馬已疲  
理無復壯田廬其迹今也其時是敢更彈螻蟻之誠仰  
冀乾坤之造况今時不乏士物咸遂生息鴈去來固不  
爲於多少爲魚上下皆自適於飛潛苟遂出於殘骸庶  
少償其夙志伏望 皇帝陛下哀憐舊物憐則至仁察  
其有素非偽之誠成其識分知止之節曲從其欲賜報  
日俞俾其解組官庭還車故里披裘散髮逍遙垂盡之  
年鑿井耕田歌詠太平之樂其爲榮幸曷可勝陳

乞致仕第三表

歐陽 脩

恩深煦嫗感極涕洟雖情有迫於危心不知自止而辭  
已窮於累牘幾至無言惟以至誠期於必達自乞憐於



君父不復訊於蒼龜伏念臣家世單平性姿中下少從  
官學未免飢寒不自意於遭逢遂進階於華顯然而羣  
材才茂蒲柳未秋而早衰衆駭並馳駑駘中道而先乏  
而况荷難勝之任用竊逾分之寵榮風波憂畏而慮以  
深疾病侵凌而老亦至故自辭於機政即願謝於軒裳  
蒙 上聖之至仁念 三朝之舊物每曲煩於訓諭久  
未忍於弃捐竊惟臣知事君必本忠信言不顧行是為  
罔欺而巨口日誦於田間身坐貪於祿利可畏至公之  
議何施有醜之類每自省循莫違啓處是敢罔避再三  
之煩黷猶希萬一之矜從伏望 皇帝陛下特軫天慈  
俯回睿聽察前言之可復蓋屢請者有年哀下愚之不  
移俾卒成於素志徇其所欲乞以殘骸臣若得上印緩  
於有司自駕柴車而即路晚節知無於大過沒身永荷

於鴻私

進修新唐書表

歐陽 脩

竊惟唐有天下幾二百年其君臣行車  
典衰之蹟與其典章制度之宜其  
紀次無法詳畧失中文采不明事  
十年然後得以發揮幽昧補緝闕  
家之史以為萬世之傳成之至難  
尊號皇帝陛下有虞舜之智而好問  
勤天下和平民物安樂而猶垂心結  
鴻生舊學講誦六經考覽前古以  
久推漢與唐而不幸接乎五代衰  
淺意陋不足以起其文而使明君  
昏虐賊亂禍根罪首皆不得暴其  
之始終所以治亂  
不粲然著在簡冊而  
真零落蓋又百有五  
一 點正偽謬堯備一  
若有待伏惟  
以躬大禹之聖而克  
精以求治要日與  
商周以求為國長  
之士氣力卑弱言  
與夫  
誠

臣等謹言

臣等謹言



不可以垂勸戒示久遠甚可歎也。因述臣之有言適契上心之所聞於是刊脩官翰林與士兼龍圖閣學士給事中知制誥臣歐陽脩端明殿學士兼翰林侍讀學士龍圖閣學士尚書吏部侍郎臣宋祁編修官禮部郎中知制誥臣范鎮刑部郎中知制誥臣王疇太常博士集賢校理臣宋敏求秘書丞臣呂直學士著作佐郎臣劉義叟等並膺儒學之選悉發祕府之藏俾之討論共加刪定凡十有七年成二百二十五卷其事則增於前其文則省於舊至於各篇著目有革有因立傳紀實或增或損義類凡例皆有據依纖悉綱條實載別錄臣公亮典司事領徒費日月誠不足以成大典稱明詔無任慙懼戰汗屏營之至

賀南郊大赦表

宋 祁

帝儀訖饗朝渙推慈飛驛疾傳庶邦叢慶切以天郊之重國制有常凡萬乘躬行必三歲明聖而持循以妥以虔合諸神而哀料脩恭惟尊號皇帝陛下纂大合茲干執中布度抵金璧之極珍率儉示人收霜電之嚴玩世刑于下克勸明德格于皇穹交薰太和冒我羣品願臨時德瑞應日來亟戴上儀若祗舊典戒期百執頌詔州曳雲威之常羊服翠蚪之半渙殊庭一獻諸祐徧頌遂自陽靈之宮往會天元之旦羽旄四合陔陸參登上璧左琮之華合祛而信祝祖繇宗題之次更循而迪登拜嘉肱於席垂列欽榮於雲表靈心合答熙典備成伏昭神之祥祈命惟普肆隨風之澤改頌大號崇冠初昭神而遷善率懷永賞功赦罪已責速疎咸與惟新



多福道帝社於縣區盛際有光彝公咸賴巨嚮官舊吏  
殫見往朝或不愛牲玉為恭殊非明薦或所過租賦為  
復蓋出重勞語昔罕全訂今絕擬以恨清塵在望自苦  
周南之留紫索仍持不與甘泉之從第班恩諭均浹歡  
悰

賀生皇子表

宋 祁

寶祐叢休天支毓秀慶騰秘禁散中區恭惟尊號  
皇帝陛下受命溥將疑圖丕赫權相又報乎克念之  
虔簡素所安表于不勉之懿且復以刑薄賦重穀弛敗  
一方少饑則係馳使節方金稍乏則輒續禁錢民用靖  
嘉神罔恫怨是以上帝歆佑三后配存詒美孫謀昭衍  
無疆之烈歸功元首首茂啓多男之祥付誕協仲商挺生哲  
嗣星弧具禮天策交華惟翕關之仰頌英固覃訂而絕異

逖聆詔諭並仰獻儀薦笏相趨拜吾君之有子珪璋流  
愛宜天下之繫心且始去近聯遽承吉語賡歌絲絃早  
知周德之遐參祝祠禴周逮漢臣之幸

代人乞出表

宋 祁

臣聞物勝於權則衡為之殆馬竭其力則御速於顛蓋  
以器循量而易施材過求而難勉是以功名之際惟髦  
士可居疆力之容匪暮年勝任將傾危懇敢援斯言竊  
念臣本以丘樊託于經術幸逢先烈超備從官服上教  
之弥文因至愚而取信出入冊禁無所建明履歷藩宣  
蔑聞條教尊號皇太后陛下尊號皇帝陛下奉承  
謨訓過聽空踈簡服在庭兼容如地雖百度之治咸使  
與聞每萬機之餘常參勸講七周成歲訖寸長惟君  
知臣足以驗其無用惟國有典不可違於黜幽且臣自



知甚明內省尤熟以一介之鄙賤丁千載之會昌邑戶  
養錢非祿之不厚高冠大佩非位之不崇同僚皆賢非  
志之不合處奏多可非言之不從固當勉服攸箴謹修  
爾職答乃聖之眷遇為斯文之寵光其如犬馬齒衰桑  
榆景薄中年則病奪其壯晚節則務傷於神辨色立朝  
足居多於跛倚書思如命自不辨於馬烏而臣頃自去  
秋願辭近職上恩不聽寵渥就加逮徇俛以及茲且瘵  
昏而益甚其事皆志誤疾愈疴瘵顧四躰之已疲宜一辭  
而後止重念臣之鄉籍出占鄆州既託於榆薄營產利  
不勝首丘之志願諧剖竹之行庶及餘年聊蘇疲瘵况  
前朝邢昺本貫曹州亦目禁廬得臨鄉部臣今所請似  
有前規伏望 陛下念舊物之不可遺憫孤生之老且  
至特垂寬詔俾守先廬庶亦大君進退之間微臣止足

之分萬無繆介可貽累於云主仁一切便宜尚力思於卧  
治仰干睿鑒伏俟嚴誅

宋文鑑卷第六十四



宋文鑑卷第六十五

表

謝衣襖表

宋

祁

謝換龍閣表

宋

祁

謝加端明表

宋

祁

代陳州章相公乞

以任第一表

宋

祁

乞致仕表

張

方平

服闋謝復官表

孫

沔

揚州謝上表

劉

敬

謝加學士表

劉

敬

賀皇長子封公表

王

拱辰

永興謝上表

司馬

光

進資治通鑑表

司馬

光



蘄州謝上表

呂 誨

乞致仕表

呂 誨

潭州通判謝上表

唐 介

賀冊皇妃表

王 安石

賀生皇子表四首

王 安石

漳州進珠表

王 冕

謝衣襖表

宋 祁

冬簫乘辰裘官著令疾馳使駟臨撫塞屯並頒齊等之  
良均挾吳縣之煖被躬且吉東帶有華伏惟 尊號皇  
帝陛下至德誕敷深仁普愛念官師所以卒歲恐天下  
有受其寒据泰軫窮當舒慮係况凄其戒序必測然動  
心特以濱寒亟嚴持兵較露苟傳溫詔緘褚紋袍爛然  
畫鮮煦若春至矧部校什長賜各有差僻壘窮軫悅而

忘苦振裾交抃聯端相趨和氣暢 版顧折膠而何畏大

恩壓已憂稱服以爲難有可仰酬 不知輕殞

謝換龍閣衣

宋 祁

停直複門徒恩層閣本緣親而自乞蒙引籍以對除揆  
寵兼常無顏容愧如賴惟先聖有作叢構實與鬱律長居  
之嚴裝積霧圖之寅踵華創職緹是取材肇允榮塗何  
嘗輕授伏念臣識苟庸淺術學庸有辱入參玉堂間陪講  
殿徒以朴忠無飾孤耿自將附混於涇清守寥寥於  
兩晦賴天壽助曠日保全適以臣兄率召自外藩復參  
大政理所宜避地不處嫌警首明間素言敘懇巧上還  
於禁籍得專侍於經惟伏蒙 尊號皇帝陛下見謂由  
衷特從換秩罷茲要近處以清閑拂此疑之塵容廢壇  
蛸之寶宇伏况臣出入三歲便蕃五遷叨叨學士之名



罕見從官之比雖素領焦禿病幹疇墮器極斗筭之容  
利止鉉刃之割尚當勉儒為立續短裨長儻有補於涓  
銖失不忘於墮踣

謝加端明表

宋

祁

乘塞無狀增秩蒙褒賜予侑頌心顏交斬伏念臣才弗  
振俗士偶逢時備內朝臣十有六載學不足膺天子之  
問文無以代王者之言遂圖外遷異云少補惟定武一  
道契丹右延威平以來號勁兵處自夏竦分建四師韓  
琦始領九州節制中軍部分諸將琦既進律臣實代居  
以一介儒儒當萬夫要任誼難辭劇奮靡顧愚然臣所  
習者藝文未曉者軍旅用非所習雖勤而弗效責於未  
曉故技有心窮用是再暮居無底績在法云殿惟黜是  
宜敢謂 尊號皇帝陛下憫之茂之勞排彼譖之後雖

猶錄謂拙可矜收雲閣之北資著冊殿之新籍仍秩  
經省未易守藩叢省徽章夸輝心鄙邑重降嚴旨切却讓  
封臣亦內揆愚心旁論公議世循禮疊請則恐涉不誠  
或固節還恩又似規早罷不右以鹿使誰扞邊疆例格除  
音孰尊寵數輒昧涯分祗服名日三省以自營身九  
殞而奚報但臣所念者邊務云重虜詐益滋得人失人  
繫今日輕重知己知彼為天下安危而有司特用苛法  
相挺守臣類以生事為解封畏怯不敢搖手倉庫虛  
乏正可寒心建明累上而朝省禾從姑息小虧則謗囂  
立至况臣衰晏素自忝冥判無成功徒忝休命望審擇  
於豪俊俾臨統於方隅設張遠謀羈制驕狄因聲敷於  
感臆竊附列於瞽言朔壘地卑石門天阻被符蠲謁攬  
綬知榮



代陳州章相公乞致仕表

宋祁

臣聞器有所極強之者必顛志有所安違之者將敗是故智士不窮量以邀受仁君無曲願以責功內顧危宗敢援茲喻伏念臣姿力驚下術畋待罪宰相之府寵與時進負隨日踵羗夏有未纓之醜閑陝多無聊之人藎盜跳梁冀昔煽結杼軸罄於編戶村皮蠹於法誚咎不臣執罪將孰歸比者荐瀝不職之竄以贖安用之辜尊號親喻戒敕頃訖郊丘之享乃許仰慈兼至臣此時外迫大誼中忘至皇恐而視事然而智慮淺局年髫前渡足困新羈之左覲然戶位修

入弥年所賴 陛下

以百姓為心

天下為度捨末爭而納戎帳之歛捐滯積

以撫遼社之

和克展上儀遂布鴻慶永惟橫目之庶方

就覆孟之安

臣之及茲可謂天幸過此不止其如罪何

雖大度之見

谷在輿議之難遏抑又聞當退而進者悔

必及宜黜而

用者傷必多高位乃身殃之媒厚祿為衆

怨之舍借令

臣冒厥明戒苟留上司玷廊廟之儀形被

史家之貶戮

死有餘咎仁弗忍為伏望察如丹之誠憐

指景之暮遂

谷納政早推省私亦不必窮喋喋之言乃

垂開可惜齟

齟之謹効用俊良慶異日俞誓無但已

乞致仕表

張 方平

切以大君保息之慈人之老者疾者得所養治國經常之制仕之進者退者惟其宜不堪陳力之勞爰上乞骸之請詔亟下降天旨未俞臣聞委質大方前經明訓自



古不得謝者在禮雖或有之然皆德業高賢功勳夙望  
邦家倚以為重中外賴之為安如恩所以特優被寵誠  
為無愧是以義全大體衆罔間言如臣徒以空疎早蒙  
東擢事猷弗建報稱蔑施遽及衰疲遂求引罷而更濫  
當渥命遙領真祠位陪執政之班祿倍大夫之秩職憂  
靡預官責不加上素尋章俯慙私倖敢循舊典謹復自  
陳伏惟 皇帝陛下 一氣均私大圓丕冒四夫自盡各  
伸所志之微萬物由庚皆受曲成之賜俯諒虔勤之懇  
特垂開可之恩精驚紫宸猶結望雲之戀迹還白社終  
懷樂聖之心

服闋謝復官表

孫 丕

苴麻之服方尔外除綸綍之言驟然下及矧不移於舊  
序仍獲處於近睽拜賜之深竊寵為甚伏念臣出自單

緒偶階盛時無近強之德以進身惟清素之業以自立  
鄰由宸眷升漸禁塗固常入備諫負出分使委雖明目  
張膽內屢輸於忠言而竭力勉心外未揚於民最旋以  
邊烽小警王師有為朝廷擢以常僚假以煩使兵儲之  
寄固已屢更邊帥之權亦嘗冒處歷踐數任甫逾七年  
轉漕非能偶芻粟之充給招懷寡術幸部落之晏安以  
慈親之耄期益精力之衰耗力陳愚素仰債宸聰懇辭  
益部之行適遂秦都之請故雖嘗拜命曾未蒞曹果家  
難之纏哀奉靈輿而歸葬偶全餘息以畢通喪生意蔑  
然榮望已矣此蓋伏遇 皇帝陛下恢天地容蓋之德  
廣日月照臨之明以大馬之勞曾屢膺於駘策而涓埃  
之益嘗有補於高深降中旨以召還俾參華於舊貫復  
援小銓之秩再踏延閣之榮敢不謹修吏方勤瘁王事



昔焉為養尚當避危而就安今也即孤自可以身而許國誓圖大効庶荅鴻休

楊州謝上表

劉 敞

一介之材善無所取千里之地任為不輕仰載恩華退增慙懼臣聞事上之行莫若愛君而愛君之臣莫垂去國必黯遺言李息望之致意本朝古今美談賢哲餘事况臣本以薄技蒞茲昌辰幸得出入周衛之中優游侍從之末持橐簪筆庶乎寡尤帶劔佩衡足以自効豈其輕去嚴密之奉偷得便安之私蓋引嫌避親中外著令因事補吏朝廷通規幸蒙賜可之書始殊共治之選伏遇 皇帝陛下天度容物聖澤資盡人揆其忠誠非有違象魏之意察其淺識猶足寄民社之安沛然德音委以符竹敢不勤恤人隱奉宣上恩自飾固陋之心庶幾樂

易之政

謝加學士表

劉 敞

常人之情得所求而志慧智者之慮過其任而憂今邊備雖嚴帥責差易學者雖衆儒選實難豈有貪就應聲之求忽忘非分之任任公失據欣懼兼懷固欲辭榮未獲承命伏念臣猥以薄才起於諸生內之無子產潤色之才外之無山甫將明之用久典訓誥荐臨藩垣七年于茲微效不立猶以陪外廷之末聞長者之風間蒙分章平議臣之奏時引大正宗廟之儀苟圖納忠非敢迂物然而讒人飾詞以巧詆法吏挾怨以中傷當是之時幾無以免聖心先覺公議尚存浸潤之說不行震驚之衆為止風波可畏天上辛實多內私自憐懼久得罪輒勾千里之守庶警一塵之行不謂 尊號皇帝陛下生成



曲全覆露無已進預 聖華之講增重儒林之光委以西  
州適其素願望非所 父幸不可涯夫匹夫一飯之恩庸  
士然諾之信猶能捐 生也死成功立名况臣連數十城  
之封兼四千石之重 於以宣明威信撫養細民盡其愚  
忠煥光大悔以此圖 報敢為虛言

賀皇長子封公表

王 拱辰

建親授社屏翰於王 豕封子維城安疆於國幹誕揚休  
命敷告群倫均海寓 之歡心洽朝廷之大慶竊以宗藩  
錫瑞賢戚分疆周列 侯邦半諸姬而啓土漢有天下非  
劉氏則不王皆所以 滋大本枝維持京室綿鼎數於穹  
壤固廟拓於山河獨 我熙朝益隆茂典恭惟 皇帝陛  
下纂承皇序恢闡 圖善迪孫謀濬 遵祖構乃眷元良  
之重已昭岐嶷之 肇啓南圻崇加上 褒離明震豫知

帝之無疆海潤 遠慕墀側聽恩音 增抃懌

暉戴吾君之有子 子臣居留近 增抃懌

永興謝上表

司馬 光

荷恩至重任責尤深 巡撫吏民敷宣 詔令臣識慮闕淺  
規為闊踈唯知愚忠 屢貢狂直奉事 三世操守一心間  
以齒髮浸衰疾疹交 集曾彘論思之 効久汚侍從之班  
既無補於本朝祈自 高於散地不圖 睿澤更委名都雖  
要重之權自知不稱 而煩劇之地難 以固辭受命以還  
措躬無所竭來就道 甫尔到官維此 咸秦昔為畿甸山  
川清美土地膏腴論 其平時誠為樂土 在於今日適值  
凶年經夏亢陽苗 乾而不秀涉秋 淫雨穗黑腐而無  
收廩食一空家之 蕭藏之粟樵負相 屬道有流離之人  
老弱懷溝壑之憂 猶委置蓬蒲之志 正宜安靜不可動



搖譬諸事無勿煩擾一則免糜爛如彼種木任生殖則自然蕃滋謹當策勵亦驚彫磨朽鈍智力所及勤瘁無辭雖復失位危身終不病民貧國庶幾小補用答大恩

進資治通鑑表

司馬光

先奉勅編集歷代君臣事迹又奉聖旨賜名資治通鑑今已了畢者伏念臣性識愚魯學術荒疎凡百事為皆出人下獨於前史粗嘗盡心自幼至老嗜之不厭每患遷固以來文字繁多白布衣之士讀之不徧况於人主日有萬機何暇周覽臣嘗不自揆欲刪削冗長舉撮幾要取開國家興衰繫士民休戚善可為法惡可為戒者為編年一書使先後左右倫精粗不雜私家力薄無由可成伏遇 英宗皇帝睿智之性敷文明之治思歷覽古用恢張大猷爰知臣俾之編集臣夙昔所願一朝

獲伸踴躍奉承惟懼不稱

先帝仍命自選辟官屬

崇文院置局許借龍圖天章閣三館祕閣書籍賜以御府筆墨繒帛及御前錢以供果餌以內臣為承受眷遇之榮近臣莫及不幸書未進御 先帝違弃群臣陛下紹膺大統欽承先志寵以冠序勳之嘉名每開經筵常令進讀臣雖頑愚荷 兩朝知付如此其厚隕身喪元未足報塞苟智力所及豈敢有違會差知亦與軍以衰疾不任治劇乞就冗官 陛下俯從所欲曲賜容養差判西京留司御史臺及提舉嵩山崇福宮前後六任乃聽以書局自隨給之祿秩不責職業臣既無他事得以研精極慮窮竭所有日力不足繼之以夜徧閱舊史旁采小說簡牘盈積浩如煙海挾埶幽隱校計毫釐上起戰國下終五代凡一千三百六十二年修成二百九十



四卷又略舉事目年經國緯以世用檢尋為目錄三十卷  
又參考羣書評其同異俾歸一法至為考異三十卷合三  
百五十四卷自治平開局迄今如成歲月漉及其間抵  
牾不敢自保罪負之重固無所逃重念臣違離闕庭十  
有五年雖身處于外區區之心如朝夕寤寐何嘗不在陛  
下左右願以駑騫無施而可是以專事鈔掇用酬大恩  
庶竭滄塵少裨海岳臣今筋骸摧瘁目視昏近齒牙無  
幾神識衰耗目前所為旋踵遺忘臣之精力盡於此書  
伏望 陛下寬其妄作之誅容其願忠之意以清問之  
燕時賜省覽監前世之興衰考 當今之得失嘉善矜惡  
取是捨非是以懋稽古之盛德 濟無前之至治俾四海  
羣生成蒙其福則臣雖委骨九土 永志願亦畢矣謹奉表  
陳進以聞

蘄州謝上表

呂

誨

三諫則逃敢隨大節一麾 出守誠自寬恩舉族均榮畢  
身知愧伏念臣鷙冥所賦 志朴是存篤於愛君惟知盡  
道向議稱親之禮屢形繼 統之言豈期佐佑之臣首違  
經義遂啓異向之論上感 哀憫既頒慈壽之手書仍  
用定陶之故事朋姦之衆 孟希宏博之要榮致主之謀  
不耻衰和之亂制葉雖已 具理有未安臣忝備憲司正  
當言責既不能排斥邪佞 刑何以振肅紀綱心匪石以  
徒堅力迴天而莫得容身 黎職公議何逃拒詔去官萬  
死寧贖而賴 陛下至明 爰照全度兼容屬當求治之  
初務廣納忠之益言雖忤 日察其所嚮之誠罪不主名  
施以惟輕之典授符淮甸 重壤江壩魚稻之饒寔惟舒  
緩民社之重獲展勤勞天 干叢來國恩弥渥退恩補過



愈精夙夜之虔知無不為一史勵始終之節仰酬洪造誓  
竭顯愚

奏乞致仕表

呂

誨

臣輒罄愚誠上下宸慈伏况微臣本無宿疾偶值醫者  
用術乖方殊不知脉疾有由實陰陽有逆順診察有標  
本治療有先後妄投湯藥亦半任情意差之拍下禍延四  
肢浸成風痺遂難行步非以憚灸鑿之苦又將虞心腹  
之變勢已及此為之奈何雖然一身之微固未足卹其  
如九族之託良以為憂是田心逃祿以偷生不俟引年而  
還政顧惟素志幾負明時力既不足誠豈得已况侍睿  
監夙謀孤忠進非左右之容口退知榮辱之分與之全節  
示以曲成臣不避再煩天聽欲乞致仕仍不願改官早  
賜開可臣無任籲天懇激之至

潭州通判謝上表

唐介

始竄嶺南人皆謂之必死乃遷湖外恩寔出於再生仍  
復前官俾開郡政仰叨成命增激微衷切念臣寒素立  
身孤直無援歷官再紀才忝節曾入朝踰年幸兼風憲  
臣自以逢聖明之治當言書之司祗知忠義以事君不  
顧患禍之及已凡所上奏必盡至公流輩為臣寒心茲  
邪見臣切齒臣本欲為耳日於陛下勉副東求不能  
效鷹犬於他人以希進用心雖無媿迹已甚孤屬權臣  
之擅朝肆已私而害政輒輸忠款真補涓塵陛對之間  
未能悉意天威之下卒莫自明得罪一時竄身萬里流  
離遠道殆及暮年擯弃遐荒分甘散秩言謂皇帝陛下  
下存國大跡察臣愚忠欲招諫者之言免為後來之誡  
三推皇澤特與一官以邕庶芝之冠攘擇湖湘之守俾



從征堯得佐郡符然臣粗識義方薄知臣節納忠獲罪  
顧百謫以誠甘盡瘁報君維九死而不悔謹當益勤官  
守以助軍興夙夜以思冀免於敗事毫分有補少忝於  
大恩

賀冊皇妃表

王 安石

稷盛之禮發於宮闈雖康之聲播於寰海伏惟陛下  
考古之憲刑家以身乃資焉德之良俾貳坤儀之政蓋  
閑睢之求淑女以無險詖私謁之心鷄鳴之得賢妃則  
有徽戒相成之道於以助治不專為恩臣生逢明時切觀  
盛事祝聖人之多子輒慕垂封思令德以式歌豈慙周  
雅

賀生皇子表

王 安石

嘉慶係傳歡欣摠集臣歷觀古昔誕受福祥歌配天所

以久長乃有子至於千億伏  
媚于神祇芣苢之風燕人黎  
仍寵夢之祥無疆惟休永保  
掖寶之繁臣嘗汗近司文尸  
竊喜之深

又表

王 安石

皇運邳隆天枝弥茂照臨所  
慶之延豈惟十子詩歌似微  
乃繁厥祉恭惟 皇帝陛下  
蒙休既饗和平之樂神靈錫  
近司備以殊獎以宿病而自

又表

王 安石

祉扶宗祐慶襲宮闈凡預照臨惟胥鼓舞臣聞有秩秩

惟 皇帝陛下息駸馬之推  
庶弓鞬嗣燕謀之報棟楨  
余包之固有室大競方觀  
榮祿特荷殊憐之至豈勝

暨鼓舞攸均臣聞史紀文  
之繼爰至百男肇

道冒區宇德冠  
羨果膺蕃衍之祥岳身汗  
因欲旅進以無階



幽幽之德所以考室而見祥有說說揖揖之風所以宜  
家而多子克參盛美允屬昌時伏惟 皇帝陛下膺命  
上天紹休烈祖本支方茂用 光世德之求功業能昭求  
賴孫謀之燕滿追來孝申錫無疆臣久玷恩私外叨屬  
任四方來賀聖雙闕以無階萬福攸同撫微軀而有賴

又表

王 安石

宮闈嗣慶寰海交欣凡逮戴天惟均擊壤臣聞龜斯之  
言衆子是爲王者之詩華封之祝多男亦曰聖人之事  
恭惟 皇帝陛下紹祖休顯憲天昭明致文武之憂勤  
成堯舜之仁孝宅師無競荒簞之寢旣安傳類有祥弓  
韜之祠屢應詔謀方求錫羨用光臣託備藩維叨承眷  
獎不顯亦世家實預於榮懷於萬斯年心敢志於慶賴

漳州進珠表

王 冕

宋大中祥符六年春冕自廬陵與典昇郡越明年二月  
龍溪屬邑民丘顛於九龍溪網魚得珠一顆圍闊三寸  
七分中有小珠七顆如七曜又如七曜者不可勝數縣  
弗敢留條珠之始于郡冕孰而視之殊大歡抃即日召  
厥屬官以驗之復相稱慶曰夫珠至寶也王者德至淵  
泉則出 今天子仁且聖方以寬慈被天下宜乎珠之  
出獎 聖世又珠之爲物也其色瑩淨明清乃化民之  
象也於是列表以進尋奉 勅書以旌至寶竟既叨爲  
政能獲斯寶又懼是事泯絕於後刊之貞石于公聽之  
左用傳于永永耳臣冕言臣聞皇猷光塞天乃效祥聖  
德升聞地不藏寶前件珠得非蛇口產異蚌胎有感必  
通生自煙潭之內無膠而至忽居寶肆之中燦煌外散  
於月華皎潔內含於星彩此蓋 皇帝陛下齋莊奉道



清淨化民體乾極以握符致坤靈而為瑞遐誓信史迥  
殊照乘之光洞究祥經弗類涓川之色臣握蘭郎署剖  
竹後封幸逢江海之珍難藏外郡願繼梯航之貢下覽  
內廷臣無任瞻天感聖激切屏營之至

宋文鑑卷第六十五

宋文鑑卷第六十六  
表

謝知制誥表	王	安石
江寧府謝上表	王	安石
謝翰林學士表	王	安石
謝賜對衣鞍馬表	王	安石
謝賜弟安國及第表	王	安石
進修南郊式表	王	安石
謝男雲雲除中允說書表	王	安石
乞御正殿復常膳表	王	安石
第二表	王	安石
謝東府賜御筵表	王	安石
乞罷政事表	王	安石



乞退表

第二表

賀周德妃及魏國大長公主禮成表

賀冬表

乞宮觀表

賀赦表

賀正表

謝朱炎傳旨令視事表

謝加南郊恩表

賀景靈宮奉安列聖御容表

賀南郊禮畢表

辭南郊陪位表

謝免南郊陪位表

王

王

王

王

王

王

王

王

王

王

王

王

王

安石

安石

安石

安石

安石

安石

安石

安石

安石

安石

安石

安石

安石

辭明堂陪位表

謝加食邑表

廣德軍謝上表

謝知制誥表

王

王

王

安石

安石

公輔  
安石

高華之選欲報嘗艱固陋之身以榮為懼切以自古招  
智能之士固使為侍從之臣豈特賴其虛名謂能華國  
蓋將收其實用相與致君矧號令文章之為難而討論  
潤色之所寄苟失職不稱則為時起羞伏惟 皇帝陛下  
下躬上聖之資撫以安之運趨時有救弊之急守器有  
持盈之難當得俊良使陪遺忘則典司明命出入禁門  
一有疎官尤為累上臣羈單賤士鄙朴常人仕初有志  
於養親學遂不專於為己比更煩使稍竊謬恩內懷刀  
祿之慙仰負食功之意又蒙 採擢以至超踰蓋君之視



臣不使同犬馬之賤則下之報上亦欲致岡陵之崇況  
臣少習藝文粗知名教遭逢一旦度越衆人唯當盡節  
於明時豈敢止懷於私計

江寧府謝上表

王 安石

稽違詔令經涉歲時 先帝登遐既不獲奔馳道路  
陛下即位又未嘗瞻望闕廷 所憂後至之刑誅敢與就  
加於官使雖知罪勉尚懼顛濟蓋聞因任以責羣材厚  
省以通衆志厥或抱能而可用則雖負疾而見容如臣  
者逮侍 先朝叨官外制倦倦於許國雖有愚忠役役隨  
人但尸榮祿銜哀去位嬰疹 弥年望絕龍光分投冗散  
伏遇 皇帝陛下紹膺尊極 俯燭幽微延之以三節之  
嚴付之以十城之重比緣裡 化特有褒封申命曲加因  
郵併賜唯是土風之美素無 狂獄之煩久寄託於立墳

謂知其間里念雖閉閣殆弗廢於承流以比造朝  
妨於養疾矧因勸之已迫且遂避之不容敢不少嘗  
體力之所任祇奉詔條而為 浴異逃大安仰稱殊私

謝翰林學士表

王 安石

臣聞人臣之事主患在不知學術而居寵有冒昧之心  
之畜臣患在不察名實而聽言無惻怛之意此有  
天下國家者所以難於任使而有道德者亦所以難於  
進取也學士職親地要而以 討論諷議為官非夫遠足  
以知先王近足以見當世忠 厚篤實廉恥之操足以咨  
諏而不疑草創潤色文章之 才足以付託而無負則在  
此位為無以稱如臣不肖 道未優初無筆筆過人之  
才徒有區區自守之善以 將順建明之大躰則或疎  
闊淺陋而不知加以憂傷 病久弃里閭辭命之習蕪



發積年黽勉一州已為忝白具禁林之選豈所堪任伏惟  
皇帝陛下躬聖德承聖緒於羣臣賢否已知考慎而於  
其言也又能虛已以聽之故聰明睿智神武之實已見  
於行事日月未久而天下翹首企踵以望唐虞成周之  
太平臣於此時實被收召所以許國義當如何敢不磨  
礪淬濯已衰之心紬繹溫氣又廢之學上以備顧問之  
所及下以供職司之所守

謝賜對衣鞍馬表

王

安石

出本庭之顯服束以精鏤以內廡之名駒傳之錯采隆  
息所逮朽質知榮竊念臣力淺聞人憂積疹中預從  
官之選外分守將之權僅在九議詞更蒙收召論思潤色  
曾莫效於微勞衣被服乘心前叨於異數此蓋伏遇  
皇帝陛下釀於慶賞詳在

要愚忠之報莫無虛授之嫌

謝賜弟安國及弟表

王

安石

情又之求外覃草野龍光之施首逮門庭切以躬國論  
聽斷之煩而察知孤遠之行略門資貢舉之法而拔取  
淵淹之才山林之所誦說而難遭閭巷之所驚嗟而罕  
見伏惟 皇帝陛下協德焉吳比明義和博臨四方洞  
照万物如臣同產為世時人少遭閔凶自奮寒苦雖學  
力行粗有時名而少偶寡位幾絕榮望聖期聖聽俯及  
幽潛遂使窮途坐陞華寵以詔書而試藝賜之科第  
而命官祿不遠親既永承以養志仕非為己當共誓於  
損軀

進修南郊式表

王

安石

郊立事重筆削才難擬以微能叨承遴選蓋聞孝以配



天為大聖以享帝為能越我百年之休明因時五代之  
流弊前期戒具人輒為之驟然臨祭視成事或幾乎率  
爾蓋已行之品式曾莫紀於官司故國家講燎禋之上  
儀而臣等承撰次之明詔迨茲殊歲僅乃終篇拙因用  
於故常特刪除其紛冗恭惟 皇帝陛下躬聖神之實  
志文武之功嘉與俊髦靈承兮臬物方邈茂以薦信而  
無慙人具昭明知因陋之為卑固將制礼作樂以復周  
唐之舊豈終循誦習傳而守秦漢之餘則斯書也譬天  
輅之推輪與明堂之營室推平知變實有考於將來應  
時施宜亦不為乎無補

謝男零除中允表

王

安石

恩驟加於私室多所超踰事 累於公朝誠難冒昧  
受睿訓曲喻至懷永惟眷獎 殊實重兢慙之至伏

臣首叨召節得侍 薛林陪被贊書 便陪經幄稍更歲月  
莫補滄埃竊觀上智之日躋內訟戎聞而知因况如  
急敏有童心尚迷鑽仰之方豈稱以昭延之礼慙已量主  
非敢以私而自嫌為官擇又顧雖以命而宜改輒布可  
辭之義上干難犯之威伏惟 皇帝陛下屈躬優容垂  
精寵答謂大人照臨之道廣當養以蒙意小夫誦說之  
智專遠忘其賤衰稱備厚訓飭加器揣實未安寄顏有  
而重念自古君臣之相與未有如臣父子之所遭蓋當  
用儒之時尤難講藝之職典謨方御實參備於討論詔  
誓未終已繼叨於獎擢獲世官於闕巷嗣家學於朝廷  
自非忘軀何以報國知人而官以哲慨已獲於明揚委  
質而教之忠誓永肩於素守

乞

皇帝御正殿復常膳表

王

安石



陽春生物偶落澤之稍愆睿意恤民遽側身而自抑德  
已修於消變數或係於非常當服彝儀用安羣下恭惟  
皇帝陛下天仁博施神知曲成躬忘旰食之勞坐講日  
新之政四時協序万物致和適當化養之辰宜得涵濡  
之澤少違常候深軫清衷退師氏之正朝約太官之盛  
饌仰窺謙德志在閔民然而遐虜來朝當即法宮之位  
誕辰入慶會陳燕俎之珍事有所先禮難備廢伏願仰  
回淵聽俯徇輿情夙御九筵之吉並羞十閣之具上以  
全於國躋下以副於臣誠

第二表

王 安石

時澤偶愆屢勤齋禱聖衷愈勵曲尽焦勞將損已以召  
休因退次而貶食列陳劾奏尚闕嗣音在臣列之靡違  
伏帝闈而再扣恭惟 皇帝陛下躋居離正德稟乾剛

期採俗以致康嘗納隍而興念七載于  
春而來或罹愆亢皇慈深軫羣祀禘修  
慮其因隳彌黻美則躬愛其服仍損內  
宁之朝然而禮貴從宜事難泥古而况  
慶儀有列辟拜万年之觴有殊俗修兩  
制難副羣情伏望少屈淵衷特從誠懇  
常珍親事法宮廓宣於政治惟辟玉  
仰以慰兩宮之慈俯以安羣下之望

謝東府賜御筵表

王 安石

恩厚不貲誠先賢之務稱頌真無似欲  
等過以凡材並膺殊選又壅賢路上孤  
下謀德在容求仁以怨謂大臣方官勞  
當加恤其私家發使禁聞之中伴視報  
闕之下取才置

此繼獲豐穰一

恐挫犴非則親

獲之舉兼虛正

甫臨誕節交舉

朝之好苟虧彝

天臨廣廈日御

食昭示於等威



臬皆斷於眷謀成事告功不煩於宰旅重紆衛蓋周視  
庭除申以中人喻之良月使及日辰之吉即于堂寢之  
安輟車府之傍牽載其帑重移獲官之烹割備以鼓歌  
歡更逮於迓臣寵先加於小已陰陽或謬未知變理之  
方風雨其除徒賴悒悒之賜

乞罷政事表

王 安石

私懷懇至已具布聞聖訓丁寧未蒙照納敢冒宗高之  
聽再輸悃悃之情臣聞任賢之方要其有用陳力之義  
止於不能苟弗集於事功且重罹於疹疾豈容叨據以  
累明揚伏念臣猥以孤生親逢盛世味於量已志欲補  
於休明夫在信善事浸成於迂闊每煩衆論上恩聖聰  
以知素願之難諧繼以積疴而自困辭而去位庶逃竊  
食之誅勉以就功重荷包荒之德雖含順命終懼効功

伏惟 皇帝陛下閔度并容大明俯矚特矜允徇遂  
退藏如此則孤進之身獲全生於末路具瞻之地得改  
命於時材

乞退表

王 安石

臣忠於爲國故進而能致其君怒以及人故病則閉  
以事此今昔共由之通義實上下相與之至情敢觸冒  
昧之誅異蒙哀矜之聽臣受才鄙劣遭運休明陳愚或  
會於聖心承之遂尸於宰事謀謨淺拙謾不見其有成  
擯行陵夷又或幾於無恥又宜辭位尚苟貪息豈圖養  
拙以乖方重以替昏而廢務粗嘗陳列未獲矜從詎勉  
以來浸淫遂劇大懼典司之曠上煩程督之嚴伏惟  
陛下詢事考言循名責實或輟夜分之寐常臨日昃之  
朝万万黎獻之多各比日祗碎三事大夫之守豈可察官



仰異高明俯昭惻愍念其服勞之義  
未干缺鉞之時今遂解機衡之任豈  
惟畢協於師虞特少安於私義茲

第二表

王安石

聖恩所及有隆天重地之施私義未  
懼竊惟成湯高宗之世有若伊尹傅  
于帝而無疑其政則加乎民而有徧  
終迨乎中世之陵夷非復古人之髮  
信而事事至於自明義或不足以勝  
敵以此乘權而又勉孰能持祿以少  
居寵之時而昧死有均勞之乞况於  
惟陛下道與日躋德侔乾覆寰一  
之比昌昌矧夫眷遇之優即已勤劬之  
安有深淵薄水之  
說之臣其道則格  
后惟時又相亦有  
窮忠或不足以取  
厥而人人與之為  
安此臣之慮危於  
抱病浸以瘵官伏  
不之失所樂万物  
又宜蒙善賞使善

曲全賜其疵賤之身假以安閑之地則敝車無用猶可  
具於勞薪棄席未忘或再施於華幄

賀周德妃及魏國大長公主禮成表 王安石

明告治庭寵頒恩冊家邦之慶海宇以欣恭惟 皇帝  
陛下荷天闕休若古丕式自禰率而尊祖備極靈承謂  
姑親而先姑特加徽數改錫 厥壤增褒所生大号已孚  
庶言惟允臣久尸榮祿竊睹 盛儀臚傳雖異於九賓率  
舞尚同於百獸

賀冬表

王安石

陰借物極陽與朋來推歷所 占乃見潛萌之信躰元御  
辨以知數復之中恭惟 皇帝陛下舜孝禹功文謨  
武烈茂對時之福遐靈承祐以壽康臣久冒朝榮外叨  
方任弗預稱觴之末豈勝 闕之深



乞宮觀表

王

安石

筋骸衰繭僅有餘生肝膈結微簡在聖聽豈圖寵獎未  
賜矜從輒冒威尊更輸情志不伏念臣久妨機要初乏消  
塵苟免庶尤實荷恩私之至一敢緣多疾更尸名器之崇  
比辱使軺俯宣詔旨深惟咄不勵仰稱龍光而况病瘵有  
加療治无損肆榮家食乃公理分之宜干澤自營尚恃  
眷憐之舊伏惟 皇帝陛下 衡聽万事器使衆材念其  
黽勉之終難假以便安而少 竭庶完躬力圖報毫分

賀赦表

王

安石

精意上昭神靈底豫茂恩立万暢夷夏接和臣聞道以饗  
帝為難礼以配天為至有北狄斯祐唯四表之歡心胡臭  
亶時匪九州之美味自古六代昔若聖與仁敬遭昌辰乃  
無事恭惟 皇帝陛下苗迥種三德敷奏九功率額奉

璋之衆髦肇禘奠璧之新迪 聖朝邊致孝郊血告幽誠既  
格於穹旻福遂均於品庶 聖恩矜寡原宥曾裁第五玉  
以褒封善人是富發三錢工以慶賜賤者不虛天其吾敢  
人以呼舞臣夙叨寵獎親沾休成雖無預於駿奔實不  
勝於竊抃

賀正表

王

安石

寶曆無疆嘉生有啟門憲始和之象庭充元會之儀伏  
惟 皇帝陛下膺保永圖 聖恩綏純嘏撫五辰而致順毓  
万物以皆昌臣以負異恩尚攬衰疾瞻雲煥爛欣逢舜  
且之華擊壤逍遙樂得夏時之正

謝朱炎傳聖旨公視事表

王

安石

使指端臻訓詞俯逮敢圖 聖恩疾尚悞眷存伏念臣曲荷  
搜揚以孤付屬有能必獻未嘗擇事而辭難無力可陳



乃始籲天而求秩然方佳庶有為之日以此懷恩未報  
之身苟營無安豈免軟痿伏蒙 陛下人惟求舊義不  
忘遐乃因乘輅賦命之臣再喻推轂授方之意踣履無  
用誠弗忍於弃損朽株匪材尚奚勝於器使永惟獎勵  
徒誓麻衣捐

謝加南郊恩表

王 安石

解澤受流明綸俯被永惟叨味深以兢榮切以時郊立  
之承所以尊上帝疇官邑之賜所以富善人盛福靡專  
至恩惟稱臣久塵要近上累 昭明方玉輅之親祠以銅  
符而外守遠均休慶例獲褒嘉此蓋伏遇 皇帝陛下  
以平施於方方無遐遺之一物矧蒙圖任之舊特荷獎  
知之深祗服訓辭敢忘報禮

賀景靈宮奉安列聖御容表

王 安石

新一代之上儀極二端之至天報經始有倣實自睿謀  
成無疆乃惟眾志竊以闕古占鬼享周特映於姜原原廟  
神游漢獨隆於高帝遠或通祖近及止親恭惟 皇帝  
陛下服卑而即功食菲以弘孝嚴祖宗之衆像依仙釋  
而異宮館御因時初豈忘於苟簡修除備物乃有待於  
純熙宸宇秘嚴扁榜崇麗裸獻式序妥侑維時藐然往  
初孰此倫擬臣以尸榮祿尚負宿病聞釐事之既成與  
羣情而偕樂

賀南郊禮畢表

王 安石

精明條達神瞻頤而依懷膏澤川流人歡呼而蹈厲臣  
聞語孝之至莫大於配天議禮而輕不足以享帝能舉  
釐事實歸聖時恭惟 皇帝陛下鴻化已昭康年屢應  
奔走遠道有董正之治官繁豐樂盛有底慎之財賦禮



成穀旦恩浹絲區雖洛誦之休明尚難譬稱豈兒寬之  
淺訥能及揄揚臣夙荷慈憐方嬰衰瘵望九實之紳笏  
獨遠句傳仰百獸於山林猶知率舞

辭南郊陪位表

王

安石

方國駿奔燁上義之殊觀一夫幽屏叨明命之持招伏  
念臣竊祿已多冒恩最渥自致倦倦之義實有素情再  
瞻穆穆之容豈非榮願而茫然暮景櫻以沉疴伏賦畝  
以負薪於今未已待壇垓而踐豆用此為妨

謝免南郊陪位表

王

安石

螻蟻倦倦上干旒房雲天顯顯俯音立園臣備矣微生  
頽然暮齒冒恩鼎食非堅卧以為高承命旌招宜駿奔  
而反後碩綠衰苾致隄清光伏蒙 陛下特赦尤違曲  
垂念聽部昏難望尚延舜日之華 允醫易遣更獲堯雲

之潤

辭明堂陪位表

王

安石

合宮不享寰宇駿奔冒被優詔之加使陪顯相之末伏  
念臣投身荒遠上省眷憐企踵禁嚴久勞鑿寐況宗祈  
之盛禮辱号召之明恩當即辦嚴豈容辭疾而沉寘浸  
劇龜勉實難心若子牟雖每存於魏闕身如揚僕乃自  
外於漢關

謝加食邑表

王

安石

顯相郊宮固宜寵獎曠居田里乃濫褒加伏念臣尚負  
宿疴久尸榮祿無可論之薄效有未報之隆恩方國明  
裡庶工祇載奉璋執豆旅幣獻琛具輸奔走之勞獨抱  
滯留之難豈圖踈疎亦冒寵光此蓋 皇帝陛下荷休  
駿庵敘福敷錫故雖幽屏弗以遐遺身每被於慈憐心



敢忘於勤策

廣德軍謝上表

錢一公輔

曠官罪大奪位秩者彌年享帝恩隆回雷霆於數日籍  
還省部身忝軍牙祇荷寵靈伏深感懼伏念臣江湖賤  
士岩穴孤生出逢聖辰升備法從學非深造粗能明致  
治之方心不苟容姑欲整事君之節義當有在雖富貴  
誘之而不回職所宜言雖斧鉞威之而益厲果由官守  
遂正典刑放之窮山所以苦其心志授之散秩將以餓  
其骸膚期沒齒於蒿萊敢希榮於軒冕豈圖寬宥尚被  
采收死灰誰謂乎復然白晷安知乎再肉便鄉守壘上  
冢還家百計安閑一身妥逸使其自請未必能然此蓋  
伏遇 陛下化極文明恩漸動植如天之覆遠則弥周  
日之中幽無不燭遂容矍矍登登猥玷鴻私況是桐川獨

居江左俗雖僻陋而稱風物之良地雖褊迫而有山林  
之勝養茲不肖孰曰匪宜惟修省所以飭躬惟忠勤所  
以報國有民有社固恪奉於訓詞為子為臣方益堅於  
素節誓殫犬馬仰答龍光

宋文鑑卷第六十六



宋文鑑卷第六十七  
表

謝南郊加恩表

請 皇帝罷謁太廟表

謝賜生日生餼表

謝賜生日禮物表

越州謝上表

越州謝上表

謝致仕表

定州謝上表

河陽謝上表

賀熙寧十年南郊壇畢大赦表

謝元豐元年曆日表

王

王

王

王

沈

元

元

呂

馮

曾

珪

珪

珪

珪

文通

絳

絳

公著

京

鞏

鞏



謝翰林侍讀學士表

謝致仕表

謝龍圖閣直學士表

安州謝上表

謝澶州簽判表

代謝進和御詩焚論表

代都運趙待制謝上表

代謝再任表

謝南郊加恩表

奉二精之報方錯事於崇仁

輔仰承嘉命俯惕孤衷伏念

雖狹於所用志常勇於有為

之議鳴鐘在與獲際靈旂之

范鎮

范鎮

宋敏求

滕甫

程顯

強至

強至

王珪

獵三靈之流遂均登於迹

臣蚤會昌期進聞國論器

萬修郊廟之祠叨與公卿

娛紆佩掃塗親承天步之

恪曾乏夷文之助得觀繼聖

膺於寵數論非朝允恩實天

文輯闢希仁漸疏逃因神推

功何勝淵谷之畏尚勉殫於

請 皇帝罷謁太廟表

近嘗拜章以大慶殿將行恭

謁太廟者伏以升燎于壇即

財假廟之文俞音未回羣臨

下膺純耀之烈撫休明之期

以德交三靈則福亦旋感念

穹廼涓路寢之居以象圓六

方將陟配三后之靈導迎

之尽有天下者報之隆今



切恐霧露之氣涉于宵衣與馬之音震享天步則非所以承祖宗之受來邦家之休臣等冒秉化鈞獲司熙典謂文之所損在于適時之變且事不敢勉誠以愛君之深冀不並侑之屢願弭先期之謁儻乎衆欲是契天心

謝賜生日禮物上生餼表

王珪

詔函俯覽臺饋申頒絕衡一物之異恩動里閭之殊觀伏念臣所懷蹇淺自奮羈單方少而孤每感劬勞之日其生也幸得遭熙盛之朝遂以區區投老之身而歟赫赫具瞻之地與圖邦政固無經遠之謀式燕私門更誤養賢之禮此蓋伏遇皇帝陛下寵綏近辟不冒庶工謂君臣同體則憂樂宜均而上下相求則報施爲重幣增實籠寵已厚於解衣餼重益庭愧有加於浮食敢不內

竭朴愚之守上酬獎碩之深

謝賜生日禮物表

王珪

聖言如綉有溫厚於芝函邦錫自天發光華於藹室榮踰素望媿溢常涯伏念臣以固陋之資負被睿神之眷延預塵於政路復冠列於台司歲月崢嶸而婁更精力勤勞而莫補速譏讒於衆口愧功烈於前人逮茲首完安有橫莫載及桑蓬之序方深帖帖之思念莫報於劬勞敢饗承於恩禮良金燭秉嚴寶勅於大勳藻帛絢文雜華章於苛服豈繁蕃庶併及衰遲此蓋伏遇皇帝陛下敷祥孝以儀民軫堯仁而冒物特厚柄臣之遇過盼御府之珍交孚曲詒於賤生博愛乃谷於濫賜拜漢庭之寵雖慙稽古之工報周雅之章願上如岡之壽

越州謝上表

沈文通



以親為請得郡甚優越去官庭介居江海就職之始撫  
心弗寧伏念臣本諸生知守前緒親文廷文治之盛冒塵  
科選之榮擢躋儒林遂執史筆學不口足以達治亂於願  
問實難文不能以通古今於述作何有日誤出 聖朝之  
遇進登侍從之塗固勉備官途巡待 非雖大恩未報豈  
敢便安其身顧私養弗充不勝進退之迫輒以誠乞既  
茲莫居幸溢於涯感無以喻此蓋伏 尊號皇帝陛  
下天地之德覆載而無所不容日月之明照臨而無所  
不暨故臣得遂其大馬之志安于藩以翔之間況茲為州  
自昔建國連帶數郡之廣總齊萬兵之權有可以為當  
無所苟尚寬東顧之慮少獲萬分之心

越州謝上表

元 絳

易帥嶠南方深危懼分符浙右特荷 亦全仰服恩章惟

知感涕伏念臣 日知忠誼竊慕功名 三朝行將  
四紀向自北垂之漕就更南粵之塵 亦臨遣以丁寧敢  
違安而留滯載 畏陸甫及半塗忽 羽檄之音謂有  
龍編之警橫水 明光之甲得自虛聲 中赤白之囊倡  
為危事邊萌擾 動朝聽震驚況在乎 臣敢行奔命風  
馳南海已見於吏民日遠長安蓋未 聞於章奏仰煩  
宵旰及臣 謂護塞之急人且擇才 而代戍驅車萬  
里虛出玉關之門乘駟一麾幸至會稽之邸尚兼方面  
弥畏人言此蓋伏遇 陛下法道曲全 等天不冒以臣  
更事絲久備歷四方之勤知臣立朝最孤迥無一介之  
助渙然休命付昇价藩臣敢不訓旅以 嚴安民以靜庶  
希樂易之治仰補熙隆之時銜賜不貲 論生曷補

謝取仕表

元 絳



四載披誠斷還於朝組九重垂聽申錫於詔函預儲官  
之補官遂家林之佚老伏念臣衣纓衰緒襁櫟下材再  
蠱而孤僅能構思未冠而仕始務代耕惟儒術之逢原  
伍吏文之宿業歷官三世服勞四方蒙上聖之誤知自  
東州而即召擢實詞禁進處冬官浸雁鼎運衆之求竊貳  
贊元之任近藩出守遇潛邸之建旄別邸不追還復露門  
之奉席遽周歲律屢對威顏自惟癯朽之餘每循止足  
之戒深辭圭紱異就田廬載齒孤鳴空嗚以疲戀槁骸如  
在正欲全歸仰煩睿訓之慈終竊愚衷之守不圖寵眷  
加進榮階存東宮保養之官仍西清嚴泝之職效華封  
之祝子佇見多男階商皓之通賓願護太子恩隆山岳  
感浹肺肝此蓋伏遇 皇帝陛下大道曲全至仁博施  
念師丹之垂老久已宣勤察衛館之無他居常遠恥越

推渥渙獲保初終託里俗而有輝碩師言而至愧冥鴻  
雖遠正依天寓之函容時歲僅未彫尚素白華之明潤逢  
夜知幸之死不忘

定州謝上表

呂公著

尸榮右府無禪廟筭之哥假守中山復當閫制之重戴  
恩為懼虔命以行端屆郡封恪宣條詔伏念臣降才謏  
薄植性懦愚學術不足以稽五謀之疑識慮不足以籌  
千里之勝特以百年舊族苟累聖不貲之恩一介微軀  
辱上主非常之遇寅緣寵渥更踐清華晚收踈外之孤  
蹤權資微幾之要務奉天光而咫尺被聖誨之丁寧謂  
臣出服近僚有均休共戚之義察臣傍無厚援絕背公  
死黨之嫌曲示優容俾思報效碩鷲鉉之難強嗟蒲臥  
之易衰以頽枋同藉有妨賢之畏游祈麾寄更圖陳力



之方伏遇 皇帝陛下躰虛靜以儲神極高明而盡下  
俯矜素悃特霽俞旨惟定式之與區據朔陸之重地尚  
叨付委靡靡即奔指以進叙於文階且兼華於秘殿併將  
厚意增賞舊臣況臣風侍軒墀實司樞筦凡治軍經武  
之要泊守塞禦戎之宜日夕睿謀備觀宸斷逮茲臨遣  
得以遵承謹當細入必躬夙宵彌勵進不敢希功而生  
事退不敢弛備以曉官期不玷於誤知庶少酬於鴻施

河陽謝表

馮京

久塵右地無補聖明叨坐竊彌藩尚寬罪戾恩私溢望愧  
灼兼懷伏念臣才不逮中智非經遠特逢盛際再列近  
司擢之於尋常之中振之於顛危之下便蕃異數究極  
寵光齟二備真僅此肱寡過碌碌成事無足論功徒有許  
國之誠靡講衛生之術曩嬰疾疹殆至膏肓雖賴上醫

迄存餘喘然而氣血潛耗智慮早衰筋力乏於步趨耳  
目華於聽覽勉從職事仍歷歲時覆餗之譏已騰眾口  
乞麾之請遽測上心矧惟右輔名都三城重鎮水陸皆  
便次舍非遙食物具宜堂皇无峻使傳年經於館候訟  
牒希至於庭除加以時雨既優宿麥滋茂盜賊屏息閭  
里阜安不煩施為有使願養此蓋伏遇 皇帝陛下天  
地容覆日月照臨私臣以不報之恩諒巨有可矜之理  
終始眷遇進退保全願何心顏敢愛軀命惟願稍加藥  
餌益近方書朝露未晞僅復還於舊觀燭火不息誓更  
竭於精神

賀熙寧十年南郊禮畢大赦表

曾鞏

人之所歸者莫如德天之所享者在於誠其惟聖王克  
有全美伏惟 皇帝陛下聰明稽古承繼祖宗慈惠愛



人撫臨邦國有編履并容之大度有防微慎獨之小心  
不從游畋不近聲色無紛華盛麗之好無便僻側媚之  
私歲時告蠲以承七廟左右順適以奉兩宮其功施於  
人效見於事則宅仁由義縉紳之徒成材於學校超距  
蹋鞠能罷之旅養勇於營屯馳竄汚邪之收充於倉廩  
關石和鈞之利息於市廛家有豫樂之聲人無愁怨之  
色協氣所召休應自殊鉤陳太微星結咸若崑崙激澗  
濤波不驚近則余石之音鳥獸欣躍遠則干羽之舞蠻  
夷駿奔象齒旅於闕庭龍媒納於閑廡是謂六府三事  
皆可以歌四海九州罔不率俾蓋魏也而特起非瑣瑣  
之能關前世議太山之封謀梁甫之吟俾者度崇比大疇  
克登茲 陛下抑一而不圖謙以自牧以謂先右創業垂  
統其功莫得而名 上帝隕祉發祥其德無可以稱思所

以報一本於心以寅畏嚴恭積之有素而齊明薰被進  
而益虔在於物去不取其煩盡已者必求其實是以  
蕭光之烈奏於山心枋柴燎之蒸煇於郊北幽隱昭答神  
靈顧懷无疆惟心方寢昌於万世不敢專享故敷錫於  
君王元摺參典心著赦令弛張從理同異稱情蠲罪皆  
而棄瑕疪錄心而縱逋負顯晦咸暨洪纖不遺万國  
之歡既交於冲澗心一人之慶遂及於跂蠕乎于上下之  
間極乎帝王之盛心日被學最舊蒙恩深莫待甘泉之  
祠獨嘆周南之滯心第從日之嘉頌未效薄材望屬車之  
清塵但馳遠思

謝元豐

元年曆日表

曾

鞏

一遠聞庭十移星 曆顧彫零於齒髮無報補於毫分伏  
惟 皇帝陛下叙 大憫之九疇齊有虞之七政陰陽



暑罔不若時草木昆蟲舉皆遂性循用頒正之典寵詔分土之官且幸備守藩預聞告朔去親方遠已驚歲月之新許國雖堅更嘆功名之晚惟躰在民之意庶裨及物之仁

謝翰林侍讀學士表

范鎮

省中四禁忘誤其一苟或有犯加罪不原猥蒙貸全猶藉親近內自循省以榮為憂切以賞而受賞者若固有之善賞也罰而後罰者知自取之善罰也成王舉魯七百里之地以封周公周公拜於前魯公拜於後而不以為泰者功所當也官仲奪伯氏駢邑三百沒齒無怨言者罪所宜也伏惟皇帝陛下錄社稷之功而賞加輔臣重書詔之失而罰及李士賞所當賞罰所當罰明命一出中外翕然因以悅天下之人嗚然知先帝与子之明

而羣臣得君之慶臣於此時死固無憾况蒙再造使之更生者乎重念臣出乎遠方孤陋朴拙臣子忠義則嘗講聞朝廷典章嘗能練習果緣所短有玷斯猷不加蕭斧之誅乃換金華之職雖云薄責足警羣倫且天地大恩固無論報之理而水霜素節猶有持守之常願堅初心以收來効

謝致仕表

范鎮

早衰多病得謝歸休有命自天所容如地仰銜恩紀伏竊兢榮伏念臣本出孤生歷塵臚仕曾無報効虛積歲時仕宦之年已更一世遭逢之幸實事三朝徒有愚忠以自信處雖曰乞身而去敢忘憂國之心因叙人言上干天聽曲蒙宮貸未賜誅夷得於盛明之時以遂閑適之性伏惟皇帝陛下審持賞罰而一護於公總秉



權綱而不放於下集羣議為耳目以除雍蔽之效任老  
成為腹心以養和年之福躋民富壽措國康寧臣之至  
情實在於此

謝龍圖閣直學士表

宋

敏求

推宸衷之誤恩備禁塗之當從聞命榮抃省躬兢惶伏  
念臣性理慙實局致庸近猥緣承學之舊寢沐右文之  
風英宗皇帝訪自書林實於詞掖雖汲黯蚤進謬旅  
於雋游而蕭育遂以遷自安於拙分一叨獎拔星紀僅周  
固嘗勸其其心皆其所守顧命義以弟苟務忱恂而匪  
他以至陟諫臣之一坡司史氏之筆也述儒館而塵麗正之  
職分使節而贊其泉之儀益忻聖旦之親逢莫匪臺  
家之茂選而曲以皇眷冒進榮階謂臣嘗事先朝典  
右曹之繒綵俾以特陞廷閣直西序之圖書撫棄迹以

重收帖寵名而差叙帶環申幼詔檢垂褒此蓋伏遇  
皇帝陛下權綱大新恩斷中外均天地之平施煦及陳  
芟回日月之餘光豐於蔀室致茲窳器亦預清班敢不  
慎服官箴勤殫忠蘊庶圖來效少報洪私

安州謝上表

滕

甫

屢致人言固宜竄殛曲蒙天造向賜保全雖易守符仍  
切善地土民純秀幾同廣魯之流風里俗驩康正值元  
豐之樂歲安閑事簡尸素為慙伏念臣本以愚儒出逢  
真聖首蒙國士之遇最在衆人之先便欲碎首以酬恩  
未知死所故嘗指心而自誓惟有天知況事任既已徧  
更在人情寧不愛惜豈有固為縱縱自取顛濟惟日月  
之至明亮肺肝而必照於麟麟舊物收置近藩而朝廷難  
廢於公言故君父持存於大跡稍從遠外終不棄捐顧



臣何人受恩若此此蓋伏遇 皇帝陛下神聖徧物清  
明在躬化覃無外之封疆仁及何知之草木況臣累更  
器使粗效愚衷眷此遺簪嘗辱提勞之未譬之行葦更  
收踐履之餘臣敢不祗奉簡書服勤吏役雖桑榆之景  
景將逼暮年而犬馬之微誠猶思效

謝澶州簽判表

程顥

論議無補職業不修國有典刑罪在誅戮曲蒙宏貸仰  
荷洪私期於糜捐莫可報謝臣性管朴魯李術空虛志  
意粗修智識無取 陛下講圖大政博謀羣材過聽侍  
臣之言猥加風憲之任臣既遭遇明 聖亦思誓竭疲驚  
惟知直道以事君豈忍曲學而阿世 篋進闊踈之論愧  
非擊搏之才徒冀剝瀝肺肝曾無裨補毫髮既不能繩  
愆糾繆固不願沽直買名豈敢冒寵以居惟是奉身而

退自劾之章繼上闔門之請深堅天意未回憲章尚屈  
更奉發中之詔俾分提憲之權不惟沮論之風亦懼  
廢賞刑之實力形奏述恭俟誅夷此蓋伏遇 皇帝陛  
下極天清明普日臨照洞正邪之心迹辨真偽於幽微  
察臣忠誠愆臣狂直不忍實諸重辟投之遠荒解其察  
視之官處以便安之地生成之賜義固等於乾坤涵容  
之恩重益逾於山嶺臣敢不日新素齒力蹈所知秉心  
不回信道愈篤願徇小夫之志不為儒者之羞或能自  
進於尋常庶可仰酬於萬一

代謝進和御詩獎諭表

強至

參羣篇而奏御磨載非工被優詔之發中褒嘉甚渥惕  
然拜君父之賜藏以為子孫之榮伏以書曰帝庸作歌  
所以極道明良之意雅云臣能歸美天所以上酬福祿之



薛惟千載一時之逢踰三王二帝之際乘太平之多暇  
講稀闊之盛游歷寶宇以披 祖宗相受之文御飛帚  
以縱神聖有餘之學以至置酒別殿賦詩中宸于時從  
聯咸續睿唱如臣者有朴愚而植性無文采以表身自  
陪風憲之要司都廢推言之舊與下妄快鄙思綴成斐章  
大樂在前發哇声而接響太陽下銜燭火以交光既  
躡邃旒若臨深谷敢謂兼容之亦皮例形過獎之詳游聖  
門者謂之難言矧繼堯文之後以踰華袞者重夫褒字矧  
蒙漢訓之加夫何孤臣切此厚 幸此蓋伏遇 尊號皇  
帝陛下齊德乾覆育材士倫善 雖小而弗遺力或矜其  
不逮豈竭講廟之效庶酬假勛之仁

小材而臨大計不知經畫之所 從薄量以函厚恩唯有  
代都運趙待制謝上表 強 至

思勤而可補竊以今之北道重口 外臺邊宿勁兵境控  
疆虜歲支洪河之備而民力幾屈 所以艱於賦輸地列  
數鎮之師而吏負益繁所以要在 刺文宜擇精明疆濟  
之器以付轉給澄清之權若臣空 存於事适拙鄰引兩  
川之漕近二大農之司率 竭於愚心衷訖罕通於利術  
敢期煩使乃委孤臣此蓋 伏遇 皇帝陛下廓天地之  
容收滄埃之細特加不次 之命而欲勸來者弗責已試  
効而俾懷後圖得不風夜 以思始終乃職豈敢顯聚斂  
之最以上累於君仁亦當 拊凋殘之餘庶下蘇於民瘼

代謝再任表

強 至

悃悃系陳從欲許還於新節 衰疲自力竭能勉撫於舊  
封委寄逾隆顛臍自懼伏念 臣本緣一介之曲學力被  
三朝之誤知自解宰鈞繼 紆守絃早年遇事風霜不計



於殘軀晚歲纏病藥餌乃同於常膳此引掃躬之分敷  
裁辭劇之章力丐間州少安病質而恩生望外事與願  
違俄更西雍之師旄仍付北門之留鑰所以極陳去就  
仰黷聰明幸寵利非事君之宜必冀寢加恩之命策疲  
駑雖老臣可彊敢不拜再任之休訖奉俞音兩諧愚懇  
此蓋伏遇 皇帝陛下至仁天冒盛德海函器使庶工  
愛徧舊物雖後憐甚衆並試有爲之時而厓瘁之餘惜  
投無用之地敢不勤宣條教兼附兵民儻溝壑之未填  
尚乾坤之可報



